



**QARAQALPAQSTAN RESPUBLIKASI EKOLOGIYA HA'M  
QORSHAG'AN ORTALIQTI QORG'AW KOMITETI**

230100 No'kis qalasi, Tan' nuri №181-u'y Tel.: (361) 224-08-77, Faks.: 224-19-51  
el pochta: nukus@uznature.uz; rktabiat@exat.uz

2021 jil "1" aprel

№ 02/18-15-719

No'kis qalasi

**Ўзбекистон Республикаси  
Экология ва атроф мухитни  
мухофаза қилиш давлат қўмитасига**

Қорақалпоғистон Республикаси Экология ва атроф мухитни муҳофаза қилиш қўмитаси, Сизга 2021 йилда юз бериши мумкин бўлган сел ва сув тошқинларининг олдини олиш бўйича олиб борилаётган ишлар тўғрисида маълумотларни тақдим этади.

Илова 2 варақ

**Раис биринчи  
ўринбосари:**

  
**М.Джуманиязов**

**Қорақалпоғистон Республикасида сув тошқини билан боғлиқ фавқулодда  
вазиятларнинг олдини олиш бўйича 2021 йил холатига амалга  
ошириладиган ишлар тўғрисида**  
**МАЪЛУМОТ**

Тошқин сувлари ва сел оқимларини хавф-хатарсиз ўтказиб юборишни таъминлаш, қор кўчиш ва ер кўчки ҳодисалари хавфини камайтириш бўйича Ҳукумат комиссияси мажилисининг 2021 йил 30 мартағи 1 сонли баёнидаги “Ўзбекистон Республикаси аҳолисини ва ҳудудларини сел, тошқин ва кўчки ҳодисалари хавфи билан боғлиқ фавқулодда вазиятлардан муҳофаза қилиш бўйича, республика аҳолисини ва ҳудудларини тошқин сувлари, сел оқимлари ва кўчки ҳодисалари билан ишларни самарали ташкиллаштириш, назорат қилиш, бу йўналишда мавжуд муаммоларнинг ечими бўйича ўз вактида ва аниқ тақлифлар тақдим этиб бориш мақсадида, жойларда аҳолини ва ҳудудларни, ижтимоий соҳа ва бошқа обьектларни юзага келиши мумкин бўлган табиий хусусиятли фавқулодда вазиятлардан муҳофаза қилиш бўйича кунлик профилактика тадбирлар олиб борилиб ҳар хафтанинг жума кунлари қилинган ишлар бўйича ФВП бошқармасига тақдим этиб борилмоқда.

Тошқинга қарши ҳудудий комиссияларнинг жойларга чиқиши орқали гидрографик тамоил асосида сув оқимлари ва бошқа сув обьектлари, сув оқимлари бўйлаб жойлашган сув хўжалиги ва бошқа ижтимоий обьектлар, аҳоли яшайдиган жойлар ўрганиб чиқилмоқда.

Ўрганиш ишларида Фавқулодда вазиятлар бошқармаси, Экология кумитаси, Сув хўжалиги вазирлиги, Қирғоқ ҳимояловчи дамбалар ва ўзан ростловчи иншоотлар бошқармаси, Орол буйи дельта бошқармаси, Қорақалпок гидрометерология бошқармаси ҳамда ҳудудий ҳокимликлар мутахассислари иштирок этишмоқта:

**Нукус шаҳри бўйича** - жами 2 та қирғоқ емирилиши қузатилиши мумкин бўлган жой ўрганиб чиқилмоқта. “Саманбай” аҳоли пунктлари ҳудудидан оқиб ўтувчи Амударё дарёсининг ўнг қирғоқлари ПК128–ПК130даги жойлашган 4 шпорлари жорий йилда жами 2,7 минг  $m^3$  тупроқ, 1,39 минг  $m^3$  тош ишлари олиб борилмоқта. Жийдали-Байсан посёлкаси ҳудудидан оқиб ўтувчи Амударё дарёсининг ўнг қирғоқ ПК79–ПК80да жойлашган 4 ва 5 шпорлараро қирғоқларини мустаҳкамлаш ишлари жорий йилда жами **2,5** минг  $m^3$  тупроқ, **1,37** минг  $m^3$  тош ишлари олиб борилиши керак. Ҳозирда ҳолати қониқарли, қирғоқларнинг чегара ҳудудида аҳоли хўжаликлари ва техник иншоотлар мавжуд эмас;

**Тўртқул тумани бўйича** - жами 2 та қирғоқ емирилиши мумкин бўлган ҳудудлари ўрганиб чиқилмоқта. Булар: “Оққамиш” ОФИ ҳудудида“Банкет №1” ва “Банкет №2” банкети, Ш. Рашидов банкети ва 1-қатор ҳимоя дамбаси ҳудудидан оқиб ўтувчи Амударё дарёси ўнг қирғоқларининг чегара ҳудудида аҳоли хўжаликлари ва техник иншоотлар мавжуд эмас.

**Элликқалъа тумани бўйича** - жами 3 та қирғоқ емирилиши мумкин бўлган жойлар ўрганиб чиқилмоқта. Булар: “Қилчиноқ” ОФИ ҳудудида “Максим-1,2,3” аҳоли пунктлари ҳудудидан оқиб ўтувчи Амударё дарёсининг ўнг қирғоғидаги банкетларига жорий йилда жами **2** минг  $m^3$  тош ишлари олиб

борилмокта. Қирғоқларнинг чегара ҳудудида аҳоли хўжаликлари ва техник иншоотлар мавжуд эмас.

**Беруний тумани бўйича** - жами 4 та қирғоқ емирилиши кузатилиши мумкин бўлган жойлар ўрганиб чиқилмоқта. Булар, “Шаббоз”ОФЙ, “Беруний” ОФЙ, “Бийбозор” ОФЙ ҳудудидаги “Мададкор-4”, “Бийбозор”ОФЙ ҳудудидаги “Бийбозор-2”, “Шаббоз-3,4” ва “Амин-1” аҳоли пунктлари ҳудудидан оқиб ўтувчи Амударё дарёсининг ўнг қирғоғидаги банкетларига жорий йилда жами **5 минг м<sup>3</sup>** тош ишлари олиб борилмокта.

**Амударё тумани бўйича** - жами 2 та қирғоқ емирилиши кузатилиши мумкин бўлган жойлар ўрганиб чиқилмоқта. Булар “Бештам-1-2” ва 1-қатор ҳимоя дамба ҳудудидан оқиб ўтувчи Амударё дарёсининг ўнг қирғоғидаги банкетларига жорий йилда жами **1 минг м<sup>3</sup>** тош ишлари олиб борилмокта.

Жорий йилнинг мавсум бошидан сел, сув тошқини билан боғлиқ фавқулодда ҳолат бўйича хабарлар келиб тушмади. Сел, сув тошқини рўй бериши мумкин бўлган хавфли участкалар мунтазам назоратга олинган.

Бўлим бошлиғи

М.Нуржанов